



## **KEMENTERIAN KEWANGAN**

### **PEKELILING PERBENDAHARAAN BIL. 4 TAHUN 2011**

**Semua Ketua Setiausaha Kementerian  
Semua Ketua Jabatan Persekutuan**

#### **PERATURAN MENGENAI PERBELANJAAN SAMBUTAN HARI INOVASI**

##### **TUJUAN**

Pekeliling ini bertujuan untuk memaklumkan semakan kadar dan peraturan berhubung perbelanjaan sempena sambutan Hari Inovasi peringkat Kementerian/ Jabatan.

##### **LATAR BELAKANG**

2. Pekeliling Perbendaharaan Bil. 11 Tahun 1994 menetapkan kadar perbelanjaan bagi mengadakan sambutan Hari Kualiti oleh Kementerian/ Jabatan Kerajaan Persekutuan. Kerajaan telah memutuskan untuk menggantikan Hari Kualiti yang telah diperkenalkan sejak tahun 1987 kepada Hari Inovasi selaras dengan usaha pembaharuan dan penambahbaikan sistem penyampaian Perkhidmatan Awam yang berasaskan inovasi dan kreativiti. Sehubungan itu, Perbendaharaan bersetuju supaya pekeling tersebut disemak semula selaras dengan hasrat Kerajaan untuk menggalakkan inovasi di kalangan pegawai Perkhidmatan Awam.

##### **PERATURAN**

###### **3.1 Pertandingan**

Bilangan acara pertandingan yang boleh diadakan sempena sambutan Hari Inovasi adalah terhad kepada 7 acara sahaja. Pertandingan boleh diadakan sama ada secara berkumpulan atau individu.

### 3.2 Jamuan

Kadar bagi mengadakan jamuan adalah tidak melebihi RM30 seorang sehari mengikut kadar seperti berikut:

Jamuan Pagi	RM8
Makan Tengah Hari	RM17
Minum Petang	RM5

### 3.3 Hadiah Pertandingan

Hadiah kepada pemenang setiap acara pertandingan adalah terhad kepada kadar maksimum seperti berikut:

Pemenang	Pertandingan Peringkat			
	Kementerian/ Jabatan Persekutuan		Jabatan Persekutuan di Negeri	
	Kumpulan	Individu	Kumpulan	Individu
<b>Pertama</b> Hadiah/ Tunai	RM5,000	RM1,000	RM2,000	RM750
Piala	RM300	RM250	RM250	RM200
	Sijil	Sijil	Sijil	Sijil
<b>Kedua</b> Hadiah/ Tunai	RM3,000	RM750	RM1,000	RM500
	Sijil	Sijil	Sijil	Sijil
<b>Ketiga</b> Hadiah/ Tunai	RM2,000	RM500	RM750	RM250
	Sijil	Sijil	Sijil	Sijil

Ketua Jabatan adalah bertanggungjawab untuk menentukan kesesuaian kadar hadiah bagi setiap kategori pertandingan.

### 3.4 Panel Hakim

Kementerian/ Jabatan boleh melantik panel hakim dari luar agensi tidak melebihi 3 orang bagi menilai peserta pertandingan yang diadakan. Panel hakim boleh diberi saguhati/ hadiah tertakluk kepada had maksimum seperti berikut:

Peringkat Pertandingan	Ketua Hakim		Hakim	
	KIK	Acara Lain	KIK	Acara Lain
Kementerian/ Jabatan Persekutuan	RM200 sehari	RM200 satu program	RM150 sehari	RM150 satu program
Jabatan Persekutuan di Negeri	RM100 sehari	RM100 satu program	RM80 sehari	RM80 satu program

Hadiah bagi pemenang dan panel hakim di atas boleh diberi dalam bentuk tunai dan/ atau hadiah dalam bentuk **plaque, buku atau kraftangan tempatan sahaja** terhad kepada kadar maksimum di atas.

### 3.5 Bayaran Penceramah

Bayaran penceramah jemputan yang terdiri daripada pegawai Perkhidmatan Awam adalah mengikut kadar dan syarat yang diperuntukkan dalam Pekeliling Perbendaharaan Bil. 2 Tahun 2005 atau pindaan. Bagi penceramah daripada pihak swasta adalah berdasarkan kadar dan syarat yang diperuntukkan dalam Surat Pekeliling Perbendaharaan Bil. 19 Tahun 2002 atau pindaan.

### 3.6 Hiasan Dan Pameran

Perbelanjaan hiasan dewan dan pameran hendaklah di peringkat minimum dan mematuhi tatacara perolehan Kerajaan yang sedang berkuat kuasa.

### 3.7 Tempat Mengadakan Hari Inovasi

Sambutan Hari Inovasi Kementerian/ Jabatan seboleh-bolehnya hendaklah diadakan di kawasan Kementerian/ Jabatan masing-masing bagi memudahkan dan membolehkan semua pegawai Kementerian/ Jabatan menyertai program yang diadakan serta menjimatkan perbelanjaan.

## PERKARA AM

4. Ketua Jabatan hendaklah memastikan pelaksanaan peraturan ini dipatuhi sepenuhnya oleh Jabatan masing-masing.

## PEMAKAIAN


5. Pekeliling ini dipanjangkan kepada semua Perkhidmatan Awam Negeri, Badan Berkanun Persekutuan dan Pihak Berkuasa Tempatan tertakluk kepada penerimaannya oleh pihak berkuasa masing-masing.

## TARIKH KUAT KUASA

6. Pekeliling ini berkuat kuasa mulai **1 Januari 2011**.

## PEMBATALAN

7. Dengan berkuat kuasanya Pekeliling ini, Pekeliling Perbendaharaan Bil. 11 Tahun 1994 dibatalkan.

  
(Tan Sri Dr. Wan Abd. Aziz Wan Abdullah)  
Ketua Setiausaha Perbendaharaan  
Kementerian Kewangan Malaysia  
Putrajaya

4 November 2010

s.k.:

Semua YB Setiausaha Kerajaan Negeri  
Semua Pihak Berkuasa Berkanun  
Semua Pihak Berkuasa Tempatan